



HRM  
1803

## IGHINAINIQ HAVAAMIK

### PIDJUTAA

1. Humi havaktuq havangituq havaaghamini piqangitumik havanginirmun hivitunia talimat aulajut ublut havangnaqtut ublut, Tugpirup Atangujap (tikuaqtauhimajuqluuniin) uqariijarniaqtaa havakti taimaaqtaa havaani. Havaaghaq havaktuqarungnaiqtuq unalu inuk havaaqarungnaiqtuq kavamatkuni.

### UUKTUUTIT

2. Hapku amaligahat havauhiillu pidjutaujut tamainun havaktinun.

### NAUNAIJAUTIT

3. **Ighinainiq Havaamik** taimaarniq atautip havaanganik humi havakti uniudjuingituq havanginirmun hivitunia avatqumajuq talimat (5) havangnaqtut ublut niruktaungituq utiqluni havaamun.

### MALIGAKHAT

4. Havakti kitu uqaqtaujuq ighinaqtaa havaani havaguinikkut akiliihialimaituq. Talvanga ighinarniranin havaap tamanun ihuinaarutaujuq havagaaqpangnirmun pidjutinun, qujaginaq ikajuutinun unaungituq utirutinun ikajuutit pijariaqaqtut angirutaanik ukua Treasury Board of Canada.
5. Humi havakti havagiaqtungituq havanginirmun piqangitkumi naunaitkunmik, atangujaq havaklugit tamainik aghuurutikkut hivajaqlugu havakti pinahuaqlugit qanuriniit havanginirmun ihumagijait pittiarikkut utiririt havaamun.
6. Talimanik ha vanginikkut havaaminun piqangitumik naunaitkunmik, Atangujaq uuktuqluni hivajaqlugu havakti hivajautikkut, naqitautikkut/qaritaujakuluuniin. Atangujap titiraqlugit inmi uuktuutitik hivajarnikkut havaktimun.
7. Atangujap uqaqatigigumiuk havakti, atangujap naunaijaqlugu ublughaa utirivghaa havaaminun. Utiqqat havaaminun, havakti uqaqvigijauniaqtuq havanginirmun.. Havakti utingitkumi havaaminun ubluani naunaijariiqhimajumi, apirhuut uqariirnirmun ighinarnirmun havaaq upalungaijaqtaujuq.
8. Apirhuut uqariirutinun ighinarnirmun havaani tujuqtauluni havaktip Tugliranun



Atangujap (tikuaqtauhimajuqluuniin) atangujamin. Una apirhuut ilqaqtughaq imaa ikajuutinik titiraqhimajunik kitut ilaujut atiit havaktip, havaangita atiit napailu, havagiaqtungnirmun naunaitkutait takunaqtut amigaitilaangit havaktup hvanginirit uuktuutillu hivajarahuarnirmun havakti.

9. Ihumaliurutautilugu uqariirut ighinarnirmun havaani ihuaqtuq, Tugliq Atangujaq hivumuuqtilugu apirhuut haffumunga Ministaanun Havaktulijitkut kitu uqaudjinaqtuq havaktimun titiraqhimajukkut uqariiqut ighinaqtait havaatik. Havakti ilituripkaqtauluni titiraqhimajukkut qaritaujakkut, naqitautukkut, uvalu titiraqarvikkut. Atulirvighaata ublua taimaarnirmun imaa 72ikaarnirit ubluanin haffuma ilituqhdijutip.

Aadjiliuqhimajuq titiraqhimajuq huvumuutilugu Aulapkaijimun Havaktinun Kivgaqtuqtit ukualu Aulapkaijiit Qulangnaijautinun Ikajuutinunlu. Aadjiliuqhimajuq titiraqhimajuq ililugu havaktip tutquumavianun. Ilaliutihimajuq "A" tunihijuq uuktuutinik atugahanik titiraqhimajunik tuhaqtidjutinik.

## **ATANGUJAT UKUALU NAUNAITKUTIT**

10. *Kavamatkut Maligaa, s. 20*

## **UQARVIGHAT**

11. Kangiqhitirumaguvin tutqigharnirmunluuniin, hivajaqlugit:

Aulapkaiji Havaktiinut Kivgaqtuijit  
Havagviat Havaktuliyitkut Iqalungni,  
Nunavut  
867-975-6211

unaluuniit

Aulapkaijia Qulangnaijautit Ikajuutinunlu Havagvia  
Kiinaujaliqijitkut  
Iqaluit, Nunavut  
867-975-6870



## ILALIUTIHIMAJUQ "A"

### IGHINAINIQ HAVAAMIK

### INUNGMUN HIAMITIQTAGHAUNGITUQ

#### Malruiqtuqhuni Atiliuriiqhimajuq

Havaktit Igluanni  
Najugaa

Halu [Havaktiup Atia]

#### Ighinarnirmun Havaat

Ilvit Tugliq Atangujat pitqujaatit uqariiqtaujutit ighinaqtat havaat (gavaap atia). Uqarnikkut titirarnikkullu titiraqvigigaluaqhutit ilituqhainirmun, uniudjungititutit havavingmun.

Titiraqhimajuq 20 haffumani *Kavamatkut Maligaani* uqaqhimajuq tapku ahumi havakti havangituq naunaitkutigangitumik havanginirmun avatqumajumik havainirmik, havakti uqariiqtaujuq ighinaqtaa havaani. Ihumaliuqtunga angirutigilugu pitqujaujuq Tglirmin Atangujamin. Taimaali, Uvanga uqariiqtunga ighinaqtat havaat (hvaap atia) uvalu taimaaqlugu havaat Kavamatkuni Nunavunmi atuliqlugu ubluagut haffuma titiraqhimajup.

Talvanganiin,

Tuklia Ministam

aadjiliurhimajuq hapkununga: Inuup tutquumavia  
Havagviat Havaktulirijitkut

Aulapkaijia Qulangnajautit Ikajuutinunlu  
Havagvia Kiinaujaliqijitkut

Aulapkaiji Havaktiliqiyitkuni  
Havagviat Havaktulirijitkut

Qitiqqautijuq 2, 2024



aadjiliukhimajutlu Ukuat:

Atan'ngujaq